

SKOMB DAINĒS ŽEMAITĒJĒS ŠĒRDIE

Treti dešimtmeti jau skaičiuojam Loukės etnografinis ansamblis. Ons — vėns iš seniausē dabaa Žemaitėjuo veikontiu tuokiu ansambliu. Patū pradē bova 1972 metu žėima. Sosėrinka vėsē garsėjee Loukės apylinkės dainininkaa ir pradiejē sava tievū danas prisimintē. Šuoka, dainiava, vakarus leida teep, kaap atmėnē, ka tievaa liuob vakaruotē. Kuo patys nebžnuojē, liuob dar seniesniu tū apylinkiu žmuoniū pasėklaustē ir vėskou truopneee užrašytē. Teep per kelis metus Loukės

apylinkies bova sorinkta daugybē tuos vėituos iš senū laikū išlėkusiū dainū, šuokiu, pasakuojėmu, žaidėmu. Iš anū daugiausee ir bova sodaruoma ansamblē pruograma. Kuolektyvs greitaa pasėdarē Žemaitėjuo žėnuoms. Ansambliete, ka ir pagyvenē žmuonēs, vėituo nenustyga — koncertoutē važiava vėsor, kor tik vadėna, jee tik laika turiejē. Kartaa, kaap atmėn ansamblē vaduovē muokytuojē MISIŪNIENĒ JUOANA, tū išvyku per metus ir pu 20 liuob išeitē. Dabaa? Žmuonēs, ka ir

senatvė, ir lėgas spaud, vėituo siedietē nuor, vuo tik bieda so tou išvažiavėmo. Somdaa mašina ir jau žėnaa, ka be krūvas litu neišsivėrsi. Vuo iš kor anū pajimsi, kaa ansambliē dėdliuojē dalēs pėnsininkaa... Somažiejē parama ir iš rajuona Kultūras skyriaus. Jee onkstiaū bova išlaikuomē do ansamblē vaduovaa, taa dabaa jau pėlnaa ir vėinaam už darba nebapmuok. Vuo juk darba nesomažiejē. Ir tus patius žmuonēs tonkee reek ir repeticijēs ir iš anū sava transporto vežiutē. Nevieši — daug kas atvažioutē pats negalies ir... Tumet jau gali peržėgnuotē vėsus sava nuorus. Vuo anū, ir patiu geriausiu, tor ne tik vaduovē, bet ir patys ansambliete. Anėms tuos repeticijēs — kaap tėkras švėntēs. Kaap anėi patys saka, i būri soejē vėsē lyg atjaunie. Kaima žmuogou tuo pabėndravėma, tū padainiavėmu juk ne tėik jau daug bier lėkē.

Ansamblis pu biški jaunie. Vaduovē dēl tuo nedėdelee džiaugas: "Juk išeit tēi patys dėdliausē "deimančiokaa"... Vėinus lėga pakert, kėtus laiks spaud, vuo dar kėtus ir Loukės žemelē omžėnaa priglaud.

Biedū daug, bet... Žemaitis nebūtom žemaitis, jee vėsuokėms sunkomams pasėdotom. Loukės etnografinis dērb, koncertoun ir ni negalvuo, ka galietom būtē kėteep. Anou matiem traukont dainēs preitaas mētaas vykosemē tarptautėnemē puolkluaora pestivalie "Baltica-93", ruošas ansamblis ir šees mētaas i Lietova atkeliaujontee Pasaulē lietoviu dainū švėntee.

ŽELVYS JURGIS

Puortėgrapėjuo (cėntrė) Telšiu "Isulas" ansamblietis BUMBLAUSKS JURGIS svelkėn Loukės ansamblē vaduovē MISIŪNIENĒ JUOANA.

Spausdėnam dvė dainēs, katras dainliou Loukės etnografinis ansamblis.



EIN BERNIELIS I LONKELĒ

Ein bernielis i lonkelē
Su pliena dalgeliu
O-ja, o-ja-ja
Su pliena dalgeliu.
Nosėkėrtis duobilieli
Viliuosu mergeli
O-ja, o-ja-ja
Viliuosu mergeli.
Neprivils, bernužieli,
Su tou duobilieliu
O-ja, o-ja-ja
Su tou duobilieliu.
Priviliuosi moni jauna
Su meiliu žuodeliu
O-ja, o-ja-ja
Su meiliu žuodeliu.
Ne tėik bova duobilelee
Žaliūju lapieliu
O-ja, o-ja-ja
Žaliūju lapieliu.
Kėik kalbiejee monė jaunaa
Meilingū žuodieliu
O-ja, o-ja-ja
Meilingū žuodieliu.
Tēi lapelee duobilelee
Sausi nubyriejē
O-ja, o-ja-ja

Piršlelee, vedlelee

Diel kuo vielaa? — Puo suoda vaakščiuojau, Sau kelnēs žičiuojau Diel tuo vielaa.

Sausi nubyriejē.
Tēi žuodelee, kor kalbiejee,
Viejielis nunešē
O-ja, o-ja-ja
Viejielis nunešē.
Padainiava ŠALTIENĒ IZABELĒ iš Suob-
laukē kaima (Loukės apylinkē)

PIRŠLELEE, VEDLELEE

— Piršlelee, vedlelee, Diel kuo vielaa?] 2 kartus
— Puo suoda vaakščiuojau, Sermiega žičiuojau Diel tuo vielaa.] 2 kartus

— Piršlelee, vedlelee, Diel kuo vielaa?] 2 kartus
— Puo suoda vaakščiuojau, Keporē žičiuojau, Diel tuo vielaa.] 2 kartus

— Piršlelee, vedlelee, Diel kuo vielaa?] 2 kartus
— Puo suoda vaakščiuojau, Keporē žičiuojau, Diel tuo vielaa.] 2 kartus

(Tuoliau dainluojem teep pat sakydamē tuokius žuodžius: sau batus žičiuojau, sau arklī žičiuojau, kamanas žičiuojau, vuotaga žičiuojau).

Daina padainiava S. ŽILEVIČIENĒ iš Birzuvienū kaima, S. JURKIENĒ iš Rapaliū kaima, M. BANINIENĒ iš Rapaliū kaima.

Užrašē dainelēs J. MISIŪNIENĒ iš Loukės kaima.

Ein bernielis i lonkelē

Ein bernielis i lonkelē supliavadi ge lū o- ja o- ja- ja supliavadi ge lū